


沈乃文 主編

明別集叢刊 第一輯

第四十三冊

黃山書社




沈乃文 主編

明別集叢刊 第一輯

第四十三冊

黃山書社



(明)商輅撰

商文毅公集六卷

民國八年武進王氏木活字本

重刊商文毅公文集序

先大夫宰分水時琦隨任讀書晨夕趨庭先大夫時以修身二字相勉勵且督責不少懈迨兼攝淳安縣篆復以邑之商文毅公軼事爲瑞言之甚詳身不能至心嚮往之而已文毅公以三元宰相爲有明一代儒臣凡正心誠意之學以及齊家治國平天下之道皆本於修身先大夫嘗訓琦曰窮達有命修身則一也琦謹識之不敢忘戊午冬琦奉檄來淳淳爲先大夫魯游地撫今思昔入境惘然甫下車耆老告予曰翼然高峙作署前之屏幃者爲商文毅公三元宰相坊也入里必式崇拜久之坊建於明萬厯朝年久石圯懼故蹟之湮滅也卽於己未春發起勸由商氏後人商鍾澤集資修築不足捐俸以補助之所謂有其舉之莫或廢也亦觀風者所當注意耳公餘之暇復搜集殘篇遺墨得文毅公文集六卷若文若論若策若疏若記若詩若誌銘凡正心誠意之學以及齊家治國平天下之道無一不本於修身故於出處之間一事不苟昔者聞所聞今且見所見論其世讀其書知其人琦雖於修身二字有志焉而未之逮然心體而

商文毅公集

卷之一

序

力行之三十年來如一日斯文將喪先哲云遙爰

重梓其文集一以保存國粹一以懷迓庭訓並願以修身之旨自勉以勸人云爾

中華民國八年己未夏正七月

知淳安縣事武進王家琦謹 撰

商文毅公集

卷之一

序

二

商文毅公文集序

余髮未燥時已耳熟

商文毅先生治侍教 先君子抗往切今始知古

大臣風規卓然自樹者近代以來首指先生一人

而已既視篆書陽締籍先生之名裔得家珍而卒

業焉因喟然嘆曰先生之制言妙天下也澤官之

子能悉之先生之抗辭當路也蘭臺豸史能悉之

先生文漢詩唐出風而入雅也簪筆儒臣能悉之

雖然先生之重於時者豈直文焉已哉夫文生於

情情不本諸君父即撥藻摘元衮與蜉蝣同盡情

商文毅公集

卷之一

序

之至者能審事會之歸診大人之變單辭累牘咸

關家國之理是故情形未著已胎禍本人盡以爲

嬉也而已能危之至非常作而黎民懼人盡以爲

危也而已能安之若此者性之所貞學之所殫非

僅文人之業也先生當貂煇烈張之日省掖諸司

咋舌而不敢前先生慷慨伏蒲檄草十行幾令權

奸膽落至今讀罷厥一疏視澹庵封事尤爲過之

迨變生宗社譏慝繁興先生正色立朝忠能格王

土木不能爲之青曹石不能爲之誣寃也東山高

卧身名俱泰所謂赤舄几几者其先生之謂歟若

夫龍馭賓天澣溪捧詔歷敘君臣之誼倍深悽惻

昔人謂讀孔明疏而不淚零者非忠先生英廟一

慟涕洟陳辭又不啻捧隆中表矣然則先生之文

先生之情爲之也天高而人深性周而誼篤故情

至而文生讀先生之文者抑可謂之文焉已哉余

小子所以不禁喟然嘆也高山仰止景行行止弓

冶之託樂爾宗工拜手而颺言焉直誌之曰夏之

瑚周之鼎漢珉秦篆終無以與於先生之文也已

矣

皆

商文毅公集

卷之一

序

大清順治十五年歲次戊戌孟夏月吉旦

文林郎知壽昌縣事西江後學劉健浣手拜撰

增刻太傅商文毅公文集序

稽古名臣孰能兼三不朽而無憾者乎則文毅公其人哉自省闈暨大對咸舉第一天下士大夫雖稱之比于祥麟威鳳若干百年不易說者余謂此可以傳公而非公之所以傳也自宋以來惟王惟宋惟馮不愧科名其他或化爲飄風冷烟或駁爲飛蓬敗藿兒童故老愕不能道名位里居者何限而不獨烜赫無窮是遵何道耶蓋公爲諸生時則爲名諸生爲孝廉時則爲名孝廉屹然有壁立萬仞之槩及其游臺坡入虎觀翼贊乎絲綸密勿之

商文毅公集

卷之一

序

間品是時國事幾鼎沸矣公則入佐講幄出運樞機阻格南遷迎回北狩如狄梁公之審幾裴晉國之決勝不是過也既而力拯言官推轂詞臣雖司馬端明之不爲已甚文潞公之休乎有谷不是過也及其贊復景帝之徽號麾却萬妃之餽遺疏請紀妃之禮葬雖陶侃之砥中流內吉之持大體不是過也其中革冗濟貧蘇冤撫困禁抑貂璫斥逐狐鼠雖守正之宋廣平善斷之杜如晦不是過也若夫高文大冊與旨宏詞近可獨步一時遠可坐耀千古雖董膠東之廷對陸忠宣之奏議不是過

也公之德功若彼而公之言復若此古今其誰與

媲美者然公之德功自能煇耀天壤而公之言不至淪爲泰山碑廣陵散則諸聞孫之力也紹庭繼序人之貴有賢子弟也如是哉

崑

順治十四年歲次丁酉孟秋月吉旦

文林郎知瀋安縣事三韓後學張一魁拜撰

商文毅公集

卷之一

序

商文毅公文集序

昔蘇子瞻曠代軼才其爲文如萬斛泉隨地湧出
嘉祐間試禮部受知歐陽公榜出以不得第一人
爲恨因思天下之賢才知良舉如歐陽應科目如
子瞻其知遇相得之盛豈非千載一時與而猶顧
子野者如此則信乎甲乙惟人所實有未易詰
其所以然者士雖才堪命世揣摩不必盡當如粗
知擲管謬謂卓絕羣流真可笑也若

文毅公二部上第制科以來屈指殆不數見豈直
一時帖括爲工遂每試爭奇爲足牟冕天下士也

商文毅公集

卷之一

序

哉邇紀載公相業最著擅明時一代之勝李卓吾
亦以爲無出其右者當時立朝氣象真有古大臣
風雖與日月爭光可也是知不獨文章推公爲第
一卽於功名亦云所謂事業根乎學術凡此皆不
偶也余初習學子業知讀三元程畢惜未覩其全
及寄迹青溪得盡搜其文集而縱觀之一若詩人
之和平騷人之清深孟韓之溫醇遷固之雄剛孫
吳之簡勁投之所向無不如意卽欲出一詞以爲
贊自分鄙淺知無所容吾喙矣然復有所不能已
於是者竊幸梨棗無知假此得掛名于文集之中

或與

先生同傳不朽未可知也後之有志功名者不因
其文章以推原其學術想見其事業則庸愚之輩
將謂福命使然豈不惜哉請曰雖無老成人尙有
典型得此意也烏知文毅公後無復文毅其人者
凡吾同志尙其勉旃第不知
先生許我爲然否耶

皆

大清順治十五年歲次戊戌孟夏月吉日

武林後學謝鼎元沐手拜撰

商文毅公集

卷之一

序

二

增刻商文毅公集卷之一目錄

文

子在川上 一節

管仲之器 全章

舜之居深 全章

論

茅焦論

策

殿試狀元策

應制 御策

商文毅公集

卷之一

目錄

疏

減損官昌等疏

請革西樞疏

止盜疏

再乞休致疏

端誣辭職疏

三乞休致疏

乞致仕疏

商文毅公集卷之一

後學闕東張一魁編輯

後學武進王家琦重刊

武林謝鼎元 甬東虞世愷校

明經徐起鳳 庠生方叔元

七世孫 德協 全男 民宗同校

文

子在川上

一節

景泰甲戌科貢試程文

聖人因所寓而有見嘆道體之無窮夫川流與道爲體川流之不息道體之不息也聖人有見於此得不

商文毅公集

卷之一

一

發以示人哉何則天地之化往者過來者續無一息之停乃道體之本然也然其可指而易見者莫若川流故夫子之在川上得於心而形於言謂夫道之流行也有如是夫蓋自水之往而過者觀之溜也而逝不以晝夜而或止則道體之往而過者於是乎在焉自水之來而續者觀之源源而至不以旦夕而或息則道體之來而續者於此乎見焉道無形也而寓於有形之水水有形也而載乎無形之道即此而觀則道之在天地間曷嘗有一息之間哉夫子指以示人其欲學者時時省察而加夫自強不息之功也歟抑

論之盈穹壤間皆道也而川流特其一端耳故子思之於中庸以鳶魚之飛躍明斯道之昭著殆與此同一機也然川流於以見道之無時不然鳶魚飛躍則以見道之無物不有此又體道者所當知

川流乃道體本然中之可見者聖人特指以示人非以川流喻道體也此作得之原評

朱子云川流非道之體乃與道爲體者也與道爲體四字甚精此文得四字之解乃知理學題目百端磨勘不能出先輩範圍先輩百端磨勘不能出朱註範圍無時不然無物不有真見仲尼子思合

商文毅公集

卷之一

一處原評

管仲之器 全章

聖人陋霸臣之器而兩闢仲之者之說焉夫管仲以其君霸天下尊之久矣器小之論獨自聖人發之宜或人之未喻也且夫子亦嘗大管仲之功矣今日器小者何哉蓋功之大者才有餘於霸器之小者量不足於王也然夫子未嘗盡言而或者眩於各實因欲救而解之謂儉則必固器小其似也仲之爲人得無儉乎不知儉者德之共也帝王以節道示天下惟此耳三歸之譏家臣之冗奢莫甚焉曾是而可爲儉哉此夫子所以致斥也或者又謂器小而復於不儉或幾於禮矣仲之爲人殆知禮乎不知禮者國之維也帝王以中道防天下惟此耳櫛門之塞反爵之玷僭莫甚焉曾是而可爲知禮哉此夫子所以重斥也奢而犯禮其無修身正心之學可知斯言雖若爲儉與知禮端者而器之所以小亦可自見矣然則器大何如君子而已

下二段原不是證原評小不過隨其疑而解之耳此作得之中間帝王二句尤爲不廢

舜之居深 全章

聖人所以異於人者惟其應善也速而已矣夫聖人
心通天下之善者也即其應善之速有大異於人者
迹豈得而拘之哉孟子所以贊之者曰謂聖人爲有
異於人乎則有不異者在謂聖人爲無異于人乎則
又有甚異者在吾嘗稽此于舜矣方舜之居於深山
也深山之所有者水石也野人之所與居也舜而與
水石居舜與野人奚異也深山之所有者鹿豕也野
人之所與遊也舜而與鹿豕遊舜與野人奚異也夫
問居於舜也固無異於野人矣問問於舜則善者
之得於所囑者又沛若江河之決而莫之禦焉問遊
於舜也固無異於野人矣而問見於舜則善行之得
於所感者又沛若江河之決而莫之禦焉其始也與
野人同其迹而無所見聞亦無以昭其聖其既也與
江河同其決而不復野處亦不復見其愚不然豈前
此固一舜也而如此之無異後此又一舜也而如此
其甚異也耶觀舜之不異又觀舜之所以異而居
聞見之間其所以爲轉移者多矣

此等機軸自商公變出氣傑神王骨勁格高足稱

絕唱原評

全

論

茅焦論

嫪毐之亂秦王遷太后於雍客之諫而死者二十七
人焦也後至不畏鼎鑊而力爭之由是秦王悟而迎
太后焉復爲母子如初譚者以爲穎考叔之錫類不
是過也噫長信非母弟之親宣淫非溺愛之比秦之
先王有知太后不得入莊襄之廟矣不爲楚也妻則
不爲政也母雖誓之黃泉老死雍里亦不足以謝先
王而何焦之汲汲于諫也春秋之義絕不爲親於文
姜則然非仇母也以父而仇之也帝太后非莊襄之
仇乎始皇惡得而母之焦其未聞春秋之義耶且曰
車裂假父撲殺二弟此何人也而父之弟之其忍汚
諸口吻哉然則始皇何以悔而從之焦之說曰秦方
以天下爲事而大王有遷母之名恐諸侯聞之而倍
秦是始皇之樂從者非爲天性之親也欲帝業之速
成而懼諸侯之連衡也然則焦之諫固戰國之奇士
而亦穎考叔之罪人也

商文毅公集

卷之一

王

策

正統乙丑科

殿試狀元策

皇帝制曰自昔二帝三王致理之道必選任賢才以敷政化安中國而撫四夷其見諸載籍靡不足爲後世法也下追漢唐宋賢明之君亦皆銳意於斯而其人才治效有可以比隆於古歟洪惟我

太祖高皇帝奉

天明命統一華夷 德威所被罔不臣服

太宗文皇帝嗣登大寶制治保邦光前裕後

商文毅公集 卷之一

五

列聖相承咸隆繼述是以羣賢彙進教化旁洽海內又安夷狄賓服 功德之盛昭合古昔而無間矣

朕纘承 鴻業仰惟

祖宗之彛憲是訓是行屢詔中外簡拔賢才亦既得人爲用矣誠欲九德咸事野無遺賢舉措之法尙有可行者乎申勅諸司修明治理亦既建立事功矣誠欲百工惟時庶績咸熙督勸之典尙有可舉者乎內而中國生齒之繁因其性而教養之矣誠欲使阜厚成化同歸於至治尙何所加乎外而蠻貊近悅遠來因其俗而懷撫之矣誠欲使皆講信

修睦相安於永久尙何所施乎夫治道有本而推行有序不法諸古無以施於今泥於古而不通于今亦不足以爲治諸生明於道藝必講之有素悉著於篇朕將親覽焉

對

臣對臣聞圖治莫急于用賢用賢莫先於修身非修身固無以爲取人之本非用賢又無以爲圖治之要故中庸之書曰爲政在人取人以身人君誠能修身以爲用賢之本用賢以爲圖治之要則知至意誠心正身修賢者在位能者在職以之亮天工而熙庶績安中國而撫四夷何往而不得其效哉欽惟

商文毅公集

卷之一

七

皇帝陛下聰明睿智文武聖神存二帝三王之心紹祖宗列聖之統日

御經筵講求至道蚤晚

視朝裁決萬幾好賢之誠無間於語言圖治之切常存於宵旰乃進臣等於

廷降賜

清問惓惓欲聞古今用賢致理之方所謂智周萬務而不棄於一得之愚明照四方而必察於蕓蕘

之賤是也

陛下是心與古帝王兢亡業業不自滿假用人惟己望道未見之心何以異哉臣雖愚昧敢不精白一心以對明命之萬一乎臣惟致治有要用賢是也用賢有本修身是也若昔唐虞三代之世百姓昭明萬邦協和而黎民有於變之風百工惟時庶績咸熙而萬邦有咸寧之效二帝致治之隆如此者實本于其登庸元愷不廢困窮之功也府事修和文命四敷在商邑用協於厥邑在四方用丕式見德以至萬民咸和不單稱德三王致治之盛如此

商文毅公集

卷之一

大

者亦本於其額俊尊帝克知克用之力也當是之時若皋梁若稷契若伊周各以聖賢之資居輔弼之任或陳九德而諸八音或播百穀而敷五教一德足以致天心之格成績足以篤烈考之光多士濟濟布列庶位又豈無所自而然哉蓋由堯舜禹湯文武之君或克明俊德而重華協帝或祇台德先而聖敬日躋或繼熙敬止而無競惟烈一皆本諸身者無不誠見諸行者有其實所謂爲政取人之方著於載籍足以垂法於後世者何莫不自聖人修身中來耶繼此而稱善治者莫漢唐宋若也

其賢明之君未始不以用人爲致治之本

若漢之有選賢良之有科或以明經進或以進士舉若漢賈誼之勸興禮樂董仲舒之明於王道當時海內富庶戎狄賓服其治效固有可稱者矣唐韓愈之排斥佛老陸贄之論諫仁義當時中國又安四夷賓貢其治效亦有可觀者焉以至宋之韓范富歐有以輔盛治於前周程張朱足以繼絕學於後中國致文明之盛夷狄懷景仰之心其人才治效雖不能比跡唐虞三代亦非漢唐所可及也雖然漢唐宋之君其用賢圖治之意固云美矣而

商文毅公集

卷之一

九

取人以身之道則概乎未有聞焉或詩書之安事或禮樂之未遑或閭閻失德而治雜於夷或任用不專而小人迭進外有尊賢之名內無用賢之實此漢唐宋所以止於漢唐宋而不能儼美於唐虞三代者亦以修身之道有未至也洪惟 聖朝

太祖

太宗以武功定天下以文德致太平

德澤溥施聲教遠被薄海內外莫不尊親際天極地靡不臣服

列聖相承光致文治隆繼述之道盡任用之方是以

羣賢嚮用君子滿 朝禮樂興而風俗美教化洽
而治道隆斯民阜厚而化成夷狄傾心而內附
聖德神功蓋昭合乎二帝三王之盛而漢唐宋之
君風斯下矣肆惟

陛下繼承鴻業遠稽帝王之道近守

祖宗之法孜孜以圖治爲心惓惓以求賢爲念其得
人致治之盛固已超軼乎古今矣而尤慮舉錯之
法未盡行督勸之典未盡舉內而教養未備外而
撫綏未至欲採其本而推行之以序臣愚以爲是
數者皆

商文毅公集

卷之一

陛下之所已行行之而既效者也然尤欲求其本豈
有外於

陛下之修身乎

陛下屢詔中外簡拔賢才其舉錯之法至矣而尤欲

求可行之法臣願

陛下謹修身以爲舉錯之本賢者必進不肖者必退
如孔子所謂舉直錯諸枉則九德咸事野無遺賢
之效不難至矣

陛下中勅諸司修明治理其督勸之典備矣而尤欲
求可舉之典願

陛下謹修身以爲督勸之原勤者必賞而怠惰者必
罰如虞書所謂戒之用休董之用威則百工惟時
庶績咸熙之效有可必矣

陛下既謹修身以爲取人之本將見人才之出彬彬
乎盛所以阜厚化成乎天下者此也所以講信修
睦於夷狄者亦此也

陛下嘗輕徭薄賦以立民命建學立師以復民性矣
使凡任教養之責者咸以利用厚生教訓正俗爲
心則人得以仰事俯育而有尊君親上之心生齒
雖繁有不同歸於至治乎

商文毅公集

卷之一

十一

陛下嘗柔遠能邇以懷弗庭厚往薄來以撫賓服矣
使凡典戎狄之職者咸能諭之以禍福示之以恩
信去者不追至者不拒訓兵練士保境安民則人
畏威懷德修貢稱藩四夷雖遠有不相安於永久
乎夫爲治之本在於用人用人之本又在修身必
先其本而後其求故論語曰君子務本本立而道
生大學曰身修而後家齊家齊而後國治國治而
後天下平中庸曰知所以修身則知所以治人治
天下國家皆此意也雖然脩身固爲用人之本而
欲用人致治尤不可以不法諸古蓋古者前代之

法聖帝明王精神心術之所存仁義道德之所寓也傳說告高宗曰事不師古以克永世匪諒攸聞使泥於古而或不通於今則爲徒法不能以自行矣又必益之損之與時宜之中庸所謂時措之宜是也

陛下之策臣者臣既畧陳之矣而於篇終竊有獻焉惟始勤終怠者衆人之常情慎終如始者聖人之要道是故天地有常運而後歲功成帝王有常德而後治功著

陛下德配天地明同日月誠又加夫不息之誠有常

商文毅公集 卷之一

十二

之終始惟一宵旰無間則以之修身任賢以之安民致治遠足以追配二帝三王之道近足以光昭

祖宗四聖之業上而致天地位下而致萬物育而綿

歷數於無疆者夫豈有越於此哉臣干冒

天威不勝戰慄之至臣謹對

應制

御策二首

其一

皇帝制曰朕荷

天地神佑承

祖宗付託嗣守神器祇懷永圖重惟隆國家之本繫

億兆之心必建元良以爲儲副長子某天潢鍾粹

帝武發祥異畀之資夙成中外之心攸屬今特授

以冊寶立爲皇太子正位東宮惟孝以立德惟仁

以廣愛惟誠惟敬克篤始終惟親正人務正學克

日新令聞尙戒驕逸臻於宏遠用光紹我

祖宗大業於億萬年爾其欽哉

前策一道係正統十四年八月二十日

冊立成化皇帝御名見濡時纔兩歲

其二

商文毅公集 卷之一

十三

皇帝制曰若昔大猷繼

天垂統必立儲貳以隆萬世之業以繫四海之心朕

不繼令緒寅奉神器遵

祖宗之成憲法

帝王之宏規用建元良以正國本咨爾皇子某天資

粹美日表魁竒體備溫恭性全仁孝幼儀可象主

聰宜歸今特授以冊寶立爲皇太子正位東宮愼

乃德惟忠惟孝欽汝止惟幾惟康惟誠與敬足以

臨民惟謙與勤克以廣學惟親正直遠譏佞斯業

可大惟戒逸欲崇節儉則福愈久用服膺我明訓

以承我

宗廟

社稷延國家萬萬年之慶爾惟欽哉

前策一道係成化十一年乙未十一月

冊立弘治皇帝御名祐樞時已六齡

疏

減損官員等疏

題爲減損官員等事臣叨侍

近密輒以愚見數事開具進呈伏乞

聖覽如有可行乞

商文毅公集

卷之一

十四

勅該衙門施行如中間事有難行乞

賜寢罷臣干冒

天聰不勝戰慄之至

一貴州湖廣先因苗寇猖獗蒙

欽差保定伯梁瑤右都御史王來并泰將等官統領

官軍往彼征勦即今賊勢已息地方稍寧而總兵

等官在彼久任軍馬衆多供給艱難況聞四川湖

廣之民撥運糧餉不勝疲敝乞

勅該部將梁瑤等取回彼處止令都督方瑛陳友照

依原奉事理調度二處官軍往來撫捕相機守戰

其貴州方面并府州縣流官俱係額外添設之數

俱乞取回庶得少甦民困地方幸甚

一臨清不過一縣地方先蒙

欽差平江侯陳豫往彼鎮守築立城垣開設衛分操

練軍馬即今已有次第切慮彼處巡按巡河管

閘管糧收斂收磚等項御史主事等官常不下

六七員不無官多民擾乞

勅該部將陳豫取回止令本衛指揮等官照例操守

巡按御史經過提督實爲便益臣又照得真定

保定二府既有僉都御史祝暹在彼巡撫兼守

商文毅公集

卷之一

三

備倒馬關其易州鎮守又有泰將軍務僉都御

史陳泰近聞祝暹患病未痊合無陳泰不妨泰

贊照鄒來學事例就令巡撫真定保定及提督

紫荆倒馬關將祝暹取回定奪庶得責任歸一

正統年間各布政司地方俱添設僉事一員專

管屯田而南北直隸亦各設僉事於河南按察

司帶俸令其提督順天并鳳陽等處屯種緣河

南按察司與直隸有司無相統屬行事之際不

無掣肘誤事今後南北直隸屯田合無照提調

學校事例另設御史官理惟復止令一處清軍